

Nainpela skaut i sanap long bikdua bilong wanpela ples pilai long Sidni, ol i kolim Luna Pak. Yu lukim bikpela pes bihain long ol boi? Bilong go insait long pak, yu mas wokabaut i go insait long maus bilong dispela bikpela pes.

# WANTOK


NAMBA 14

Trinde, Februeri 17, 1971


Prais 10¢




Atensan! Saiden II Klas Josef Hamaniel bilong Yakamul i sanap redi wantaim pes stik bilong em. Em man bilong skulim ol nupela plisman, ol i kolim rikrut.



Dispela pukpuk, long bilong em inap 8 fit, ol i painim klostu long Rabaul.






Em hia sampela sela bilong Amerika i sanap antap long tel bi-  
long wanpela nupela samarin, em i wanpela sip i save ran aninit  
long solwara. Ol Amerika i gat 88 kain sip olsem.



Ol Et Pos Orderli bilong hap bilong Lumi i kam kisim moa skul  
long haus sik bilong C.M.M.L. Misin long Anguganak.



Sela Michel Marin, wa-  
long Niugini, i soim t-  
taim bikpela gan masin  
vet John Maima (long I-



Wanpela man bilong hap bi-  
Maprik i redi long singsi

# Yunaitet Nesens TOKBEK BILONG PLANTI PIPEL

Namba wan gavman bilong yumi, Mista L. Johnson, wantaim 200 manmeri i stap long ples balus bilong Port Moresby bilong bungim 4-pela man bilong Yunaitet Nesens taim ol i kamap lukluk raun long Niugini.

Dispela 4-pela deleget bai stap inap 6-pela wik. Em hia nem bilong ol: Sir Denis Allen bilong Englan, Mista Paul Blanc bilong Frans, Adnam Raouf bilong Irak, na Mista Charles Wyse bilong Sierra Leone.

## Buin

Presiden bilong Buin lokal gavman kaunsil, Mista Aloysius Noga, i tok em i laikim gavman long kamapim wanpela komiti long skulim ol pipel long yuniti. Yuniti (Unity) em i olsem stap wantaim olsem wan pipel.

Em i tokim komiti olsem ol pipel bilong em i no save long dispela samting. Tupela arapela man i tok se ol pipel bilong Niugini i pretim ol. Tupela i tok ol pipel bilong Niugini i save kilim ol man olsem pik na ol i no laik dispela i kamap long ol.

## Finschhafen

Hia Mista Zibang Situlu, kuskus bilong Finschhafen Maketing Development Sosaiti, i tokim



Sir Denis Allen, hetman bilong lain bilong Yunaitet Nesens i kamalukluk raun, i go pas lukluk long ol plisman i lain long ples balus long Port Moresby. (D.I.E.S. poto)

ol man bilong Yunaitet Nesens, waitman wantaim ol Niuginian i mas wok wantaim long ol kirapim nupela bisnis, i no waitman tasol.

Planti man i no laikim selp gavman hariap. Dr. Kahu Sugoho tasol i tok: sapos selp gavman i no kam hariap, bai dispela kantri i bruk bruk nabaut long planti liklik hap. Nau tasol yumi lukim pinis.

## Rabaul

Insait long wanpela pablik miting o kibung bilong olgeta man. Mista Paul Blanc i tok i gat planti pipel i kamap bikpela hariap tumas na dispela i bringim planti trabel long Gazelle Peninsula. Taim komiti i stap long Is Nu Briten, em i mekim wanpela miting wantaim Baining na Mengen Lokal Gavman Kaunsil na ol bos bilong plante-sin, ol tisa, na ol sumatin. Ol kaunsil bilong Baining na Mengen i tok sampela hap bilong Is Nu Briten i mas go het moa. Ol i wari tru long wanem selp gavman bai kamap pastaim long ol i kamapim inap mani. Wanpela memba bilong Mataungan i tok selp gavman i mas kamap nau o long 1972.

## Lae

Ol bisnisman bilong Lae i tok, mobeta yumi wet inap 1976 na larim ol Papuan na Niuginian yet i vot ol i laikim independens o nogat.

Mista H.L.R. Niall, kiap bilong bipo na spika bilong Haus Asembli bipo, i givim wanpela pepa i gat dispela tingting bilong ol bisnisman i go long ol man bilong Yunaitet Nesens. Em i tok ol Papuan na Niuginian yet i mas ranim kain vot olsem tasol Yunaitet Nesens i mas kam bosim.

## Goroka

Hia Mista Sinake Giregire, ministerial memba bilong ol pos ofis, i askim Yunaitet Nesens long givim inap \$4,000,000 olgeta yia bilong helpim ol lokal gavman kaunsil long dispela kantri.

Long haus kaunsil bilong Asaro/Watabung Mista Giregire i tok se, dispela kantri i no ken bosim em yet inap long taim em yet inap winim olgeta mani bilong mekim wok bilong em. Olsem ol man i mas helpim ol

viles pastaim. I gat samting olsem 5,000 pipel i sanap harim tok bilong em.

## Wakunai

Wanpela kuskus bilong gavman, Mista Pompoi, i bin tokim komiti olsem Bougainville i pret long Indonesia. Em i tok ating bai i gat trabel i kamap long Wes Irian. Trabel hia bai i kamap long mak bilong Wes Irian na Niugini.

Presiden bilong Tio-Timputz lokal gavman kaunsil, Mista Samson Varitof, i no orait long Bougainville i lusim Niugini.

## Kabwum

Sir Denis Allen i promisim ol man long dispela ples bai em i bringim tok long Yunaitet Nesens, Papua tu i mas bung wantaim long Niugini na kamap Tras Teritori tu.

Sir Denis i tok gavman bilong Australia i promis bai em i helpim dispela kantri taim em i kisim independens pinis. Na Yunaitet Nesens tu bai i helpim.

# PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prininem bilong yu tru, orait yu raitim arapel nem bilong yu tu.

## kaunsil yu harim!

Dia Edita.- Yes nau mi laik bekim toktok bilong tupela wantok, em Patrick Bulji na Konrad Korian.

Yes, yutupela i tok ol misin i helpim ol pipel orait ol i mas helpim kaunsil tu. Orait em bekim bilong yutupela i go olsem; Yes ol misin i helpim ol pipel long ol klinik na skul. Em i wok bilong husat? Bilong misin o bilong ol kaunsil? Misin i mekim dispela long helpim yupela. Yupela i mas wokim ol skul na klinik, long takis mani yupela kisim long ol pipel.

Sapos misin i no putim ol klinik, yupela save wanem samting ol pipel bai mekim? Ol bai krai long ol kaunsil i wokim klinik long ol ples nabaut. Ol misin i helpim yupela long putim klinik na skul na watpo ol i ken helpim yupela long mani tu?

Skul tu em i wok bilong kaunsil. Ol kaunsil

i mas wokim skul na baim ol tisa. I wankain long klinik. Sapos ol pipel i lukim skul i kamap long wanpela hap, em bai ol i krai long kaunsil i putim skul long ples bilong ol.

Sapos misin i no kam, planti pipel bai i stap long ples olsem buskanaka. Mi tu mi inap long stap olsem buskanaka. Yupela ol kaunsil i hambak long wanem ol misin i kam na mekim dispela wok.

Wanpela samting moa em kaunsil i mas helpim ol misin. I no misin i helpim ol kaunsil long baim takis. Misin i holim wok bilong kaunsil.

Yes tupela wantok, sapos yutupela i gat sampela toktok long bekim i kam, orait wokim tasol. Mi stap wet tasol long Wantok long lukim pas bilong yutupela.

Teddy Ganau Wetetia,  
Wewak

## ol i lus olgeta

Dia Edita.- Mi laik bekim pas bilong Makus Oma bilong Buka. I tru tumas, dispela samting i kranki. I gat planti manki i lusim standet 4 na 6 tasol i no save tumas long rit, rait, na tok pisin, na tok inglis. Ol i kisim sampela save tasol. Na ol skul i no save lainim ol dispela ol skulmanki long tok ples bilong ol na tok pisin. Na olsem wanem

long ol skulmanki i no save gut long ol samting?

Dispela kain bai ol i lus olgeta. Em samting i nogut tru. Mobeta ol skul i makim liklik taim long lainim ol long tok ples o tok pisin. Dispela save i no hatwok olsem inglis. Em i isi tumas. Sori, ol i tingim olsem long ol skul.

Wanpela Tisa.  
Manus.

## kristen mas bihainim

Dia Edita.- Tenkyu tumas long prininem pas bilong mi na tenkyu tu long J.P. Andrew Dambui bilong Burui na John H. Knawy bilong Wewak long bekim pas bilong mi.

Mi ritim pinis planti pas bilong Wantok i save tok, misin i no ken baim takis. Tru misin i mekim hatwok long helpim yumi long kain kain samting. Tasol wanpela samting, God yet em i bos long ol misin. God em i het na yumi i bodi, han, lek na ai. Lo bilong God i tok yupela mas baim takis.

## makim meri i nogut

Dia Edita.- Nau mi laik autim sampela wari bilong mi long yupela husat ol pipel i ken harim. Mi lukim wanpela samting long ai bilong mi i no stret. Wanpela bikpela samting em ol papamama long ples i save makim pikinini meri long narapela man taim em i liklik yet. Mi ting dispela kain pasin em i no stret. Sapos taim pikinini meri i go bikpela na i go long skul, na yu papamama i save long tingting bilong em? Nogut laik bilong meri i laik kisim arapela man. Bambang yu papamama i no inap long pasim laik bilong em. Sapos yu papamama i stapim em, em i nogut. Ating yumi mas lusim dispela pasin. Em i no stret sapos yu laik salim pikinini bilong yu long marit long wanem yu laik kisim mani tasol.

Killian Kopori,  
Aitape.

Lukim Rom 13:1-7; Titus Matyu 17:24 na 25.

Mipela Kristen mas bihainim het bilong mipela. Yes, misin i ken opim maus long planti samting na autim, tasol i no ken sakim tok bilong God. Wok em i namba tu samting, bihainim lo bilong God em i namba wan samting. Tok bilong God i stap oltaim oltaim.

God em i God bilong man i gat laip na bilong olgeta man i stap nau. Tru yumi no askim misin long mekim dispela gutpela wok. God yet i givim dispela wok long misin na long ol Kristen na em i givim lo bilong em long ol tu.

Taim God i givim wok long misin na long Kristen man na meri em i inapim ol long bihainim ol lo bilong em. Ol wokman i helpim misin Katolik ol i mas bilip strong na God i ken helpim ol long painim mani bilong baim takis.

Helen Marten,  
Ambunti.

## pagini tok nogut

Dia Edita.- Nau tude mipela ol sampela man i bung long toktok long wanpela nem bilong kantri bilong mipela. Mipela i no laik long dispela nem "Pagini". Mipela i laikim nem "Papua Niugini". Olgeta man bilong narapela kantri i save pinis mipela i ting bai ol man insait long Papua na Nu Gini i ken laikim dispela nem. Em tasol tok bilong mipela.

Joseph Kau Kau  
Nuku

# *bai waitman ranawe*

Dia Edita.- Mi wanpela boi long Bulolo long Morobe distrik. Mi laik toktok long wanpela Wantok nius mi bin ritim long wik i go pinis. Na dispela em i bekim bilong pas bilong wanpela boi nem Bilong em Felix Terra bilong Kap long Madang Distrik. Yes Terra, ating yu tasol yu kranki man tru. Yu ting wanem long selp gavman? Yu harim nau selp gavman em i namba wan step bilong yu long holim gavman bilong yumi. Sapos yumi kisim selp gavman bai ol waitman i no inap long lusim yumi. Bai gavman bilong Australia i wok long helpim yumi yet. Selp gavman na independens em i no wanpe-

## *meri i tok*

Dia Edita.- Mi wanpela fom 4 sumatin olsem nau mi laik autim laik bilong mi long olgeta man na meri. Taim mi kisim malolo long skul, mi save lukim planti pamuk meri i raun long rot long taun olsem dok stret. Ating ol i save seksek long mani tru ya. Bilong wanem ol i no laik wok long gaden na salim samting bilong ol long maket?

Mi ting Maunt Hagen taun i pulap long ol pamukmeri bilong ol arapela distrik. Mi ting dispela kain bai mipela i no inap long mekim kantri bilong yumi i go het strong. Sapos ol meri i ran nabaut na pulim mani long ol marit man na yangpela man, mi ting polis i mas kalabusim dispela kain pamukmeri.

Rose Wuts,  
Tabuga.

la samting, em i tupela samting. Sapos yumi kisim independens bai waitman i lusim yumi. Selp gavman bai i nogat.

Paul Nanson,  
Bulolo.

## *kuskus i les*

Dia Edita.- Nau mi laik autim sampela wari bilong mi, bai yupela husat ol kaunsila na ol pipel i ken harim. Yes, mi bin lukim wanpela samting i no stret long tingting bilong mi. Mi bin go daun long askim wanpela kaunsil klak givim mi wanpela tiket bilong lapun susa bilong mi. Em i bin takis long kaunsil na kaunsil i bin givim tiket long em, tasol paia i kukim pinis. Na mi askim kaunsil klak long givim mi nupela, tiket. Tasol dispela kaunsil klak i kirap na tokim mi olsem, plis i hat tumas long painim gen.

Na mi ting dispela kain kaunsil klak i no save ranim gut wok bilong Kaunsil bilong em. Em i stilim nating mani. Dispela pasin mi yet painim long Aitape.

Killian Kopori,  
Aitape.

Ol wantok sapos yu raitim pas i kam long mipela yu mas raitim gut na klia. Bai mipela i ken prinim gut toktok bilong yu. Yu no ken raitim longpela toktok tumas. Wanpela samting moa, yu mas raitim nem bilong yu na nem bilong ples bilong yu gut na klia. Nogut bai mipela i raitim nem bilong yu na nem bilong ples bilong yu kranki.



# **ASUA BILONG HUSAT?**

Long wik i go pinis moa olsem 1,700 skul i op. Planti skul tu i pas. Moa olsem 10,000 skulboi na skulmeri i no ken go bek long skul. Ol i aut pinis. Ol i winim standet 6, fom 1, o fom 2. Nau i no gat ples long ol, na i no gat wok bilong ol tu.

\* \* \*  
Planti yangpela pipel i bel hevi, i belhat. Na i no gat rong bilong ol tu.

\* \* \*  
Orait, em i asua bilong husat? Bilong ol skul yet. Ol skul i wok long wanpela samting tasol: long mekim redi ol boi na ol meri long go long bikskul na long kisim bikpela wok.

\* \* \*  
Ol skul i no redim yumi long laip tru: long sindaun hepi long ples, long mekim wok bilong Niugini tru: em wok didiman. Ol skulboi i les long ples.

\* \* \*  
Long yia 1970 moa olsem 17 kantri bilong Afrika i winim 10-pela yia long independens. Nau ol i lukluk i go bek. Ol samting i ran gut o nogat? Planti samting nogat. Wanpela samting em ol skul. Planti kantri i kros long pasin bilong ol skul bilong ol.

\* \* \*  
Presiden Diiori bilong kantri Niger i tok: °Mipela i longlong. Ol skul bilong mipela i resis tasol long putim wanpela man long Yunivesiti. Ol i lusim ol ting bilong skulim ol 999 arapela sumatin long wok didiman: em samting tru bilong kantri bilong mipela!

\* \* \*  
Dispela pasin em i as bilong planti trabel hia long Niugini tu.

\* \* \*  
Lukaut! Planti kantri i bagarap pinis long bikpela lain man i skul liklik tasol, i no gat wok, i sindaun rabis. Sapos ol skul i asua bilong dispela samting, yu ting pasin bilong edukesen bilong yumi i stret o nogat?


# LEBA PATI

Santing olsem 5000 memba bilong Sepik Yut Muvmen bai bung wantaim Nesenel Leba Pati-i olsem pati bilong ol wokman. Dispela pati i bin kirap long Wewak long hap bilong Krier Maket.

Mista William Hawarri, stiaman bilong nupela pati, i tok dispela pati i laikim: man i no mas pe long go long skul, man i no mas pe long go long haus sik, na ol wokman i mas kisim pe antap moa.

Dispela pati bai i no bung wantaim ol asosiesen bilong ol wokman bilong Niugini, tasol em i laik ol i kam insait long dispela pati long laik bilong ol yet.

Long wanpela miting ol i ilektim Kaunsil Kabai bilong Krier olsem presiden bilong dispela pati.



Dispela em i wanpela draipela helikopta moa. Em bai wok wantaim kampani i wok long painim wel long hap bilong Kiunga long Westen Distrik. Kain helikopta olsem inap long litimapim ol bikpela masin na hap ain na putim antap long ol maunten.

(Poto: Alan Craig, New Guinea Feature Service)

## Soldia / Kisim Medal

Wanpela soldia i kisim medal long em i helpim arapela man. Nem bilong dispela soldia em Mista Alphonse Saire bilong Aitape long Wes Sepik Distrik. Alphonse em i stap insait long ami long Moem Bareks klostu long Wewak.

Soldia hia i kisim medal long wanem em i helpim wanpela arapela soldia taim em i pundaun long wanpela bris na tait i karim em i go. Dispela i kamap taim ol ami i mekim wanpela patrol long hap bilong Ambunti.

Taim ol i kalapim wanpela bris antap long Bayer Riva, wanpela soldia i pundaun i go long wara. Taim Alphonse i lukim olsem, em i kalap i go daun na helpim em. Tupela i wok long trip trip i stap inap


ol arapela soldia i helpim tupela.

Alphonse i helpim ol arapela soldia tu taim wara i tait na i karim olgeta santing bilong ol. Long dispela tupela santing, em i kisim wanpela medal ol i kolim Britis Empaia Medal (British Empire Medal).



Ol manki i hepi skul i op. Tasol planti i no gat skul bilong ol.

Poto long lephan i soim Leptenan Kernel McCormick namba wan ofisa bilong 2 P.I.R. long Wewak i pasim mak tasol long siot bilong Alphonse Saire. Bihain bai em i kisim tru wanpela Britis Empaia Medal.




WIL BALUS BILONG

# ANSETT

YU LAIK FLAI LONG WANEM HAP  
ANSETT I HEPI LONG KARIM YU I GO

Ansett I Gat Olkain Balus  
Smok Balus Tri Ensin Tu Ensin Wan Ensin



We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

**ANSETT AIRLINES OF PAPUA NEW GUINEA**  
in conjunction with Ansett Airlines of Australia.

# INSAIT LONG OL POLITIK

(I KAM LONG NEW GUINEA NEWS SERVICE)

## TOK HAIT I KAM LONG WES IRIAN

Wanpela man bilong Amerika na tupela Australia i tok Amerika wantaim Indonesia tupela i stap redim wanpela ples long hap bilong Wes Irian, bilong sutim ol bikpela bom i flai i go inap long ol arapela kantri. I wankain olsem dispela kain roket o balus i save karim man i go long mun.

Mipela i traim tasol painimaut dispela tok i tru o nogat.

### AS BILONG TOK

Orait, bilong wanem dispela Amerika i autim dispela tok? Em i ting, mobeta ol 3,000,000 man long Ailan Niugini i save wanem samting ol arapela kantri i laik mekim long graun bilong ol yet.

Dispela man i ring long Port Moresby long Niugini Nius Sevis na i tok olsem: taim ol Amerika i laik sanapim kain ples roket insait long kantri bilong ol yet, ol ami i bin askim ol man bilong Amerika pastaim sapos ol i orait o nogat. Ol Amerika i bin orait long wanem em i helpim ol. Nau ol inap sutim birua i stap longwe.

Tasol inap nau husat i bin askim ol man bilong Papua na Nu Gini na Wes Irian, sapos ol i orait long dispela ples roket?

Dispela man bilong Amerika i tok ami bilong

Indonesia na Amerika i laik wokim dispela ples roket insait long ol maunten bilong Wes Irian. Nau tasol i gat sampela balus i flai olgeta de bringim ol samting bilong kirapim dispela wok.

Niugini Nius Sevis i tok, tru, inap nau i nogat wanpela man i lukim ol samting long ai bilong em yet. Sampela ripota tasol i wol long painimautim. Wanpela man bilong Niugini Nius Sevis, nem bilong em John Ryan, i flai i go long Vanimo long skelim tok bilong tripela man.

### PLES WAMENA?

I gat planti askim i stap insait long het bilong John Ryan. Ol inap bekim tok bilong em, o nogat? Em i laik save bilong wanem tupela DC3 balus bilong Ansett i stap olgeta long liklik ples Vanimo. Tupela i gat wanem wok? John Ryan i kisim dispela nius: Tupela DC3 balus bilong Ansett i wok long karim 3000 dram nambawan bensin moa. Tupela i kisim ol dram long Djayapura na tupela i karim i go insait tru long bikbus bilong Wes Irian long wanpela liklik ples ol i kolim Wamena.

Olgeta apinun dispela tupela balus bilong Ansett i save kam bek long hap bilong yumi long Vanimo.

Dispela nambawan bensin ol i save yusim long ol bikpela helikopta moa. Taim tupela balus

bilong Ansett i kamap long Wamena ol soldia bilong Indonesia i save rausim kago bilong balus. Ol pailot bilong tupela balus i tok ol i no save bilong wanem Indonesia i bringim planti bensin olsem long Wamena. (Wanpela pailot em i man bilong Niugini stret, nem bilong em Vincent Peni bilong Kav-ieng).

### ATING

Mipela i no save dispela stori i tru o nogat Wanpela ripota i askim gavman bilong Australia na bilong Amerika, ol tok hia i tru o nogat. Tupela gavman wantaim i spik: Ating. Olsem mipela tu i ken tok tasol: Ating.

Tru, wanpela kampani bilong Amerika, ol i kolim Kenekot, i lukautim kopa long dispela hap bilong Wes Irian. Dispela kampani tu i gat bikpela helikopta i save yusim kain nambawan bensin tu. Tasol planti man i ting dispela bensin i no bilong Kenekot. Sampela i ting ol ami i laik wokim wanpela ples roket. Tasol ol i no save tru; ol i ting tasol.

Ol ami bilong Indonesia i kam daun long ples balus bilong Wamena insait long wanpela draipela balus moa ol i kolim Herkules. Ol soldia yet i tok bai ol i putim kolta long dispela ples balus.

John Ryan i ting tru ol Indonesia i ken yusim dispela bensin long ol balus Herkules bilong ol. Tasol bilong wanem

ol i bringim 3000 dram bensin? Em planti tumas.

John Ryan i tok inap nau ol Indonesia i no mekim wanpela samting bilong helpim ol pipel long hap bilong Wamena.

Na olsem em i no ken save watpo nau ol bikpela balus tumas i save pundaun oltaim long Wamena.

### PLANTI KWESTEN MOA

Long yia 1968 ol soldia bilong Indonesia i bin sutim planti ol Jele pipel long dispela hap bilong Wamena bikos ol i bin kilim na kaikai tupela misinari.

John Ryan i tok ol bikpela ples balus tru bilong Wes Irian, olsem Sentani klostu long Djayapura, i laik bagarap nau. Tasol ol Indonesia i no stretim ol. Watpo nau ol i laik stromaim planti mani bilong wokim dispela ples balus insait long bikbus bilong Wamena?

### TRU O NOGAT

Ol Indonesia yet i bin tok na John Ryan i harim ol i laik koltaim tru dispela ples balus. Tasol long yia 1963, taim ol Holan i lusim Wes Irian, inap nau. ol i no bin mekim kain wok olsem. Olsem na planti man i tingting planti.

John Ryan i tok, sapos Amerika na ol Indonesia i laik mekim wanpela bikpela samting long dispela hap bilong Wamena, bai ol i haitim tok.

Yumi mas wet yet. Yumi no save tru. Yumi tok nating. I tru o nogat?



# klap bilong ol yangpela fama

(I KAM LONG MARGARET FITZGERALD)

Sapos wanpela man i kam glasim pasin bilong ol skul insait long Niugini, em i ken lukim kwiktaim moa ol sumatin i no lainim planti samting i ken helpim laip bilong ol.

Tru sapos dispela man nau i go tokim Dipatmen bilong Edukesen em i mas senisim pasin bilong em, bai ol bikpela man i ting: dispela nupela man em i no save tru long Niugini. Mobeta em i pasim maus. Tasol sapos wanpela lain man i stap pinis long dispela kantri bipo i gat wanpela dipatmen bilong edukesen, na wok bilong en i winim 70 yia..... bai dipatmen bilong edukesen i mas harim gut sampela tingting bilong en.

Dispela lain man em i Luteran Misin. Na em i bin givim dispela gutpela tingting long dipatmen bilong edukesen:

1.) As tingting bilong olgeta skul em hia: mekim redi ol sumatin long

helpim kantri bilong ol.

2.) Namba wan tok bilong Niugini em i wok didiman.

3.) Sindaun na pasin bilong ol man bilong Niugini i bung wantaim pasin didiman tasol.

4.) Ol praimer skul bilong yumi i no ting liklik long dispela samting. Tude ol skul i redim pipel long sindaun long taim tasol.

5.) Tude ol praimer skul i gat wanpela wok tasol, em hia: long redim ol sumatin bai oli go long haiskul. Tasol i gat wan wan sumatin bilong standet 6 inap go long haiskul. Planti tumas i no ken.

6.) Ol man i no ken go long haiskul i bung long ol taun. Ol i no ken

painim wok, na ol i no laik go bek long ples. Em i as bilong planti trabel moa.

7.) Pasin bilong skul tude em i pasin bilong resis: wanpela wanpela man i mas resis long save wantaim ol arapela man. Em i no pasin bilong wok wantaim, nogut; em i pasin bilong mekim ol arapela man i olsem birua bilong yumi.....na em i no pasin bilong ol tumbuna. Ol tumbuna i save wok wantaim, viles i wok wantaim, laikim wok wantaim.

8.) Sampela nupela kantri, olsem Tanzania, i wankain long Niugini na i ken givim gutpela skul long yumi: long amamas long ol wok didiman na wok long ol teknikal skul na vokesenal skul.


9.) Tru, i gutpela yumi mas gat wanpela tok ples long Niugini i gat

nem long olgeta hap bilong graun. Na i tru dispela tok ples ol sumatin long haiskul na bikskul i mas lainim. Dispela tok ples em i Inglis. Tasol watpo yumi mas skulim ol liklik sumatin gen long tok Inglis tasol, na lusim tok ples bilong ol olgeta?

PORT MORESBY: Ol i givim setifiket bilong kwin long 48 gel gait long wanem nau ol i save long pasin bilong bringim bek long laip wanpela man o meri i dring wara pinis. Em pasin hia bilong winim win bilong yu i go insait long maus bilong tarangu i no pulim win moa. Ol i skul long dispela samting long kem bilong ol long Sogeri. Tripela meri tu i kisim mak na setifiket olsem tisa bilong ol gel gait. Em tripela hia: Mis Theresa Tovin bilong Buka, Mis Cecilia Wato bilong Kieta, na Mis Guinevere Unduka bilong Popondetta.



# CARPENTERS



NAMBA WAN STUA LONG PAPUA  
NA NEW GUINEA BILONG BA I M  
GUTPELA KAIKAI NA OLGETA  
KAIN SAMTING. TAIM YU LAIK  
GO LONG STUA....YU GO LONG  
STUA BILONG CARPENTERS

PORT MORESBY

MADANG

RABAU

LAE



Tru, klostu olgeta skaut i kam long Teritori i painim ma-  
ni bilong ol yet long baim rot. Ol skaut bilong Australia i  
givim \$1,000 bilong helpim ol i kamap long Kibung ol i kol-  
im jamburi.



Ol skaut bilong Papua na Nu Gini i sanapim wampela liklik  
kanu bilong makim ples bilong kem bilong ol.

# Ol Skaut Long A

Klostu 100 skaut i  
Sidni long stap insa  
ol skaut. Dispela e  
planti skaut bilong  
Sampela lain skaut  
Yurop, Asia na ol ai  
long dispela kibung.  
Wampela man bilong  
Westen Hailans, em M  
long ol skaut bilong  
Taim ol skaut i s  
sampela samting i ka  
i salim ol sospen gr  
na ol diwai ol i wok



Long kem i gat kai  
ol skaut. Hia sampela  
im haus sel bilong o  
tralia i lukautim wa

# t I Go Australia

niugini na i go long  
namba 9 kibung bilong  
ba wan taim tru long  
i go long Australia.  
Amerika, Nu Silan,  
ng Pasifik, i go tu

mekim wok tisa long  
hard Litau, i paslain

g Sidni, ol i salim  
ap bilong Sepik. Ol  
las bilong nek, ring  
ilong man long en.



Wanpela skaut bilong Australia i soim rot long sampela  
skaut bilong Teritori. Nau ol i stap aninit long bikpela  
bris bilong pasis bilong Sidni.



wok; em pasin bilong  
long Niugini i sanap-  
mpela man bilong Aus-  
sil.



Em tupela boi hia bilong arapela kantri tru; tasol tupela  
santaim i skaut, tupela i porman. Ol skaut bilong olgeta  
hap bilong graun i bung long 10-pela de long jamburi.

# Ol Kain Kain Nius

## Kanbera

Long mun i go pinis, tupela Niuginian plis ofisa i go mekim wanpela trening kos long Manly, long Nu Saut Wels. I gat ol 25 arapela plis ofisa long arapela kantri i bin kam long mekim dispela trening kos tu. Em hia nem bilong ol kantri: bilong ol. Silon, Fiji, Indonesia, Iran, Korea, Laos, Nalawi, Malaysia, Nepal, Naijiria, Filipin, Ailan, Singapore, Krismas Ailan, Swdsilan, Yuganda, Zambia na Tonga.

## Sidni

Ol i makim Asbisop bilong Sidni, Kardinal Sir Norman Gilroy, olsem namba wan man bilong Australia long yia 1970. I gat 34 arapela bikpela manmeri i insait long dispela resis. Sampela ol i saveman, sampela i man na meri bilong spot, sampela i save tumas long raitim buk, sampela i man bilong politik. Tasol Asbisop i win long ol.

## Port Moresby

Skul bilong ol sela na kepten bilong ol sip long Napa Napa i givim tiket pinis long 16 Niuginian. Nau ol inap long bosim ol sip bilong gavman i go inap 50 tan. I gat tupela ensinia tu i gat laisens bilong bosim ensin inap 100 hospawa. Sampela kampani i bin kisim 5-pela dispela yangpela man; nau ol i bosim ol boskra. Olsem tasol man i ken go het na kisim namba bilong kepten long bikpela sip inap long go long Australia. Wanpela samting moa: ol i laik putim

skul bilong ol sela na kepten long Madang.

Long de namba wan bilong Februeri tupela meri bilong Niugini i go long Fiji long wanpela skul bilong lainim moa moa yet long ol pasin bilong helpim wok bilong ol meri long ples. Ol bai i skul long olkain pasin bilong kukim kikai, samapim kain kain klos, wokim sospen, wokim naispela paus na bilum, wokim kain kain bilas na lukautim gut ol pikinini bilong ol bai ol i no gat sik. Wanpela meri hia Mis Asi Boto bilong Papua, i bin mekim wok sosol welfe long Isten Hailans inap 4-pela yia. Mis Raphaela Gasmareng i tisa long Lenakok Primary T School klostu long Kavieng long Nu Ailan.

Mista A.V. Nou, namba tu man bilong lukautim haus buk bilong Dipatmen bilong Infomesen na Extensen Sevises i go

trening inap long 5-pela mun long Australia. Em bai i glasim ol film senta long Sidni, Melbon, Kanbera, na Adelaide. Mista Nou i bin stap wantaim D.I.E.S. inap 11-pela mun olgeta, na i bosim 3000 film.

Long mun Julai inap Desemba, Developmen Beng i dinau 720 taim long ol Papuan na Niuginian, na i tilim mani i go inap \$1,500,000 dola long ol. Ol man hia i bin kisim mani bilong baim trakta na trak, ol bulmakau, ol plantesin, na haus paia-man.

## Lae

Hetman bilong teknikal skul long Lae, Mista W.E. Duncanson, i bin tokim komiti bilong Yunaitet Nesens olsem ol teknikal skul i mas kisim moa mani. Na tu ol i mas skulim planti pipel hariap moa. Olsem bai ol i redi long mekim ol wok long taim bilong independens.

Wanpela faktori bilong wokim ol kain kain samting long plastik i bin kirap pinis long Lae. Long dispela faktori bai ol i wokim bek na botol na laplap plastik. I gat 4-pela man i bosim dispela wok. Inap nau, ol i putim \$62,000 i go insait long dispela wok. Liklik taim bai ol i singaut long 40 wokman.

## Mt. Hagen

Ofisa bilong Bisnis Developmen hia, Mista Turner, i tok moa olsem 600 manmeri i kam pinis long kisim gutpela tingting na skul na save long ol samting bilong wok bisnis. Em i tok olgeta mun 200 pipel i save kam long ofis bilong em. Ol i save kisim skul long pasin bilong holim mani, na mekim mani i kamap long bisnis, pasin bilong beng, ol kain kain takis. Ol man i laikim tumas skul long pasin bilong kirapim tret stua.

(Moa long pes 13).



Sir Denis Allen, hetman bilong lain bilong Yunaitet Nesens i kam lukluk raun, i go pas lukluk long ol plisman i lain long ples balus long Port Moresby. (D.I.E.S. foto)

## Port Moresby

I gat 6-pela Papuan na Niuginian i bin go long Australia mekim kos. Bai 4-pela i lainim nupela pasin bilong mekim wok bilong masta mak. Arapela tupela bai lainim pasin bilong bungim na kaumim ol vot long taim bilong ileksen.

Dispela yia olgeta haiskul i gat wanpela nupela kos, ol i kolim: Sosial Saiens (Social Science).

Dispela kos bai givim moa save long olkain pipel i stap long famili, viles, kantri na olgeta hap bilong graun. Long mekim dispela wok, olgeta skul i kisim ol buk, teprikota, poto na ol nupela kain samting bilong lainim.

## Mt. Hagen

Tupela man, Ako Ipiwa na Koemba Lake, i bin bekim pinis \$450 dola long Developmen Beng long Mt. Hagen. Namba wan taim bipo tupela i baim 9-pela kau na wai bilong banis long mani bilong tupela yet. Wan wan kau i bin kostim \$15 dola. Tupela i baim ol

kau long Dipatmen bilong Didiman long Baiyer Riva. Bisnis bilong tupela i wok gut tru, olsem tupela i bekim \$450 dola dinau mani long Developmen Beng.

## Aitape

Sia Lokal Gavman Kaunsil i putim gen \$3,000 long skruim moa rot Aitape/Matapau. Nau em i kamap pinis long wara Nimar klostu long Yakamul. Ol tu ol i givim \$650 bilong kirapim wanpela haus slip bilong ol sumatin bilong Vokesenel Senta.

PWD i bin givim kontrak long dispela kaunsil long lukautim ol rot bilong Aitape na bilong ples balus tu.

## Lagaip

Hia long miting bilong Selek Komiti kaunsila Kaubigio i givim sampela spia long siaman Mista Paulus Arek na Komiti Memba Mista Wally Lusik. Kaunsila Kaubigio i givim ol dispela spia long soim olsem ol pipel bilong em i bihainim yet ol pasin bilong tumbuna bilong ol. Em i tok tu olsem ol pipel long hap bilong em i no laikim kisim selp gavman.

## Goroka

Miting bilong Selek Komiti wantaim ol pipel bilong Goroka i westim taim. Ol pipel i no givim sampela aidia bilong ol long selp gavman. Ol i wok long toktok long planti samting. Bihain long 4-pela aua siaman bilong komiti, Mista Paulus Arek, i pasim dispela miting. Bihain long miting komiti i no save wanem samting ol pipel i laikim.

## Gawi

Presiden bilong Gawi Lokal Gavman Kaunsil, Mista Mattias Yampupe, i givim wanpela kaving long Mista Johnson. Em i givim dispela long makim olsem em i namba wan taim bilong em long lusim Teritori na go long arapela hap. Presiden Mattias em i wanpela bilong ol kaunsila ol i bin makim long go long Tasmania.

## Kundiawa

Taim Selek Komiti i bin kamap long Kundiawa, ol pipel wantaim ol lida bilong ol i no laikim dispela tingting bilong selp gavman i kam long 1972. Ol i bikmaus nabaut na mekim planti nois. Wanpela man long Mt. Hagen i bin tok olsem, Teritori i bin redi pinis long kisim selp gavman. Nau kwiktaim samting olsem 500 pipel i paitim han bilong ol na bikmaus na lusim ples bilong miting.

## Kanbera

Tupela man bilong Niugini, Mista L.R. Newby na Mista H.H. Leigh, bilong Dipatmen bilong Nius na Toksave (D.I.E.S.) i kibung long Australia wantaim sampela man bilong dipatmen bilong ol Teritori. Ol i

toktok long pasin bilong bungim olgeta redio stesin bilong Niugini wantaim. Inap nau ABC na gavman i gat ol redio bilong ol stret; tasol Haus Asembli i vot pinis long bungim tupela wantaim.

## Nu Ailan

Long ples Lambom insait long Nu Ailan 4-pela pipel i bin dai long wanem ol i kaikai wanpela pis i kat gip.

Arapela 9-pela i stap long Nonga haus sik. Ol dispela 13-pela pipel i kisim bagarap long wanem wanpela kukboi i no kukim gut dispela pis.

## Wewak

Wanpela nupela Pos Ofis i op pinis long Moem Barek. Ol i makim kampani bilong bosim ol stua na kaikai long ami olsem posmasta. Sinake Giregire, Ministerial Memba bilong ol Pos Ofis, i bin toktok long dispela samting.

## Lae

Institut bilong Teknoloji bai wokim wanpela nupela haus buk inap long 75,000 buk i ken go insait, na inap long 200 manmeri i ken sindaun rit. Inap nau ol i gat 16,000 buk long dispela skul bilong kisim olkain save bilong sayens na ol kain masin samting.

## Gumine

Long Gumine na Chuave ol pipel i singaut na tok ol i laikim selp gavman long 1972. Olsem sampela lapun man wantaim ol kaunsila i bung na tok selp gavman i no ken kam inap 1976.

Saveman i laik harim tok. Hambakman i laik skrapim tok.

**WEWAK  
CHRISTIAN  
BOOKSHOP**



**KISIM SAVE**

A COMPLETE STUDENTS KITSET

OL BUK BILONG KISIM SAVE LONG RIT NA RAIT LONG TOK PISIN, WANTAIM PEPA BILONG RAIT NA PENSIL. \$1.00 TASOL.

Oda long **WEWAK CHRISTIAN BOOKSHOP**  
Box 169. Wewak.

Quantity discount available.

# OLGETA KAIN KAIN SEL

BILONG SIP, TRAK, PLANTESIN  
O HAUS I GO ANTAP LONG HAP KA

## MIPELA SAVE WOKIM GUT

Mipela save wokim gut sel long olgeta kain kain laplap. Ol i nambawan kain laplap bilong sanap strong long san i hat na bikpela ren long dispela kantri hia. Laplap hia ol i kolim katen, o kanis, o nailon. Sapos yu laik askim sel i kostim hamas, yu mas raitim pas i kam long mipela stret na toksave long wanem kain sel yu laik, na bikpela bilong em. Na mipela bekim pas i kam bek stret long yu. Ating ol kepten bilong ol smolpela sip i save pinis long mipela. Faktori bilong mipela i save tumas long wokim planti sel moa bilong ol. Yu rait long mipela pastaim!

\* MI KEN SALIM I GO INSAIT LONG 24 AUA

\* SALIM I GO LONG OLGETA HAP PLES

## CANVAS & CORDAGE PTY. LTD.

AH CHEE AV., RABAUL.

P.O. BOX 476

PHONE 2008.

# helpim bisnis bilong yu

Namba wan samting bilong wanpela kantri i laik i go het, em i bisnis tasol. Bisnis i tok wanpela kantri i ken painim inap mani bilong baim ol samting, em i laik baim long arapela kantri. Orait, yu laik painim mani, yu mas mekim kamap samting ol arapela kantri yet i laik baim. I gat planti man long Niugini i laik mekim wok bisnis, tasol ol i no save gut long mekim dispela kain wok. Sampela taim pe ol i givim long ol wokboi bilong ol i antap tumas. Sampela taim ol samting i stap long stua bilong ol, ol i salim long prais i daunbilo tumas. Na i gat planti arakain samting tu i save bagarapim bisnis bilong ol.

Gavman i gat wanpela lain ofisa i save raun nabaut long olgeta hap bilong Teritori. Ol i wok long lainim ol man long gutpela pasin bilong bisnis. Dispela ol man i bilong wanpela hap bilong gavman, ol i kolim Dipatmen bilong

Tret na Indastri. Orait, wok bilong ol bilong lainim ol bisnismen, bai bisnis bilong ol i ran gut, na bilong helpim ol nupela man long kirapim nupela kain bisnis.

Na wanpela samting tu, ol lo bilong takis bilong Papua na Niugini i tok, olgeta bisnismen i mas i gat wanpela ofisbuk bilong em. Long dispela ofisbuk em i mas raitim hamas mani i kam insait long bisnis bilong em, na hamas mani i go autsait. Em i wok bilong Bisnis Ofisa bilong gavman, bilong skulim ol man long raitim stret ol samting long ofisbuk bilong ol.

Sapos ol bisnismen long Papua na Niugini i traim lainim na kisim planti save long ol dispela Bisnis Ofisa, bai bisnis bilong ol i go het gut tumas. Sapos ol i mekim olsem, bai kantri bilong yumi i go het moa, bikos ol bisnismen laikim olgeta kantri i laikim putim mani i kam insait long kantri bilong yumi.

Olsem olgeta tu wik bai mi raitim sampela tok moa i go long ol man bilong bisnis. Em tasol bilong nau.

Kristen Pres, New Guinea's Christian Publishing House,  
presents two booklets of short stories:

### Today's Stories From New Guinea

40c

*Tales that show a deep insight into life in New Guinea, written by competent authors of today. The titles:  
The Spirits of Pame Reef - Letters for Melia - Kai finds it tough*

### The Struggle Within

40c

*In this changing world, everyone has his "struggle within". So have young New Guineans - struggles between the old and new, between life in the village and in town - between ancient beliefs and the Christian faith.  
Four inspirational stories.*



Order your books from:

**KRISTEN PRES** Sales Division

The Christian Book Centre  
P. O. Box 222, Madang

Ask for catalogues and price-lists on other books

## MASTA MAK

Tupela hia bai i sambai lukim sampela ileksen long Australia. Bi-hain tupela inap bosim dispela kain wok long Niugini. Em hia 4-pela masta mak. Wandelimus Desini (Bougainville), Madaha Alesa (Sentral Distrik), Francis Tigi (Sepik Distrik), na Isak Pasingan (Nu Ailan). Tupela ileksen Ofisa i: Devit Avantai (Kainantu na Pius Sagap (Madang).

# UGANDA

Uganda, a country that has been in the news lately lies between Kenya and the Congo in the vast continent of Africa.

Recently, Uganda's president Apolo Obote was overthrown after having been head of state for five years.

Former boxing champion Major General Idi Amin Dada took over presidency the same day.

Uganda covers an area of 93,000 square miles and lies inland about 500 miles from the Indian Ocean.

Little is known about Uganda before the mid 1800's. Arab slave and ivory traders from Africa's east coast arrived in 1850 and British explorers encouraged missions to be founded several years later.

Coffee and cotton are the chief exports of the country although other crops include corn, oil-seeds, peanuts, sugar, tea and tobacco.

The people raise cattle goats and sheep and export hides and skins.

Uganda has many wild animals including buffaloes, and elephants.

There are many lakes in Uganda and many rivers that flow from them the most important being the Victoria Nile river.



The country doesn't have many industries but the opening of the Owen Falls Dam on the Victoria Nile in 1954 made power available for future industry. The big dam is one of the largest in Africa.

Only about 40 of every 100 adults can read or write in Uganda. Only 40 of every 100 school-age children go to school.

Although Uganda lies in the tropics, it is 4,000 ft. above sea level and has therefore a fairly comfortable climate. Savannas (areas covered with tall grass and clumps of low trees) cover most of the land.

Uganda's highest mountain, Mt. Margherita is 16,800 ft. about 1400 ft. higher than New Guinea's Mt. Wilhelm.

Uganda is a republic, government by the National Assembly, a one house legislature which has a speaker and 91 members. The members are elected by the people.



## WHOSE FAULT?

In the last few weeks 1,700+ registered schools have opened. But they are closed too: to 10,000+ students. These are the unwilling Standard Six, Form One and Two school leavers. They are out of school and mostly out of work too.

They are not at all happy about it. Nor is it any fault of theirs, either.

Well, then whose fault is it? The education system's, at least in part. Our whole school system is geared to get students to the tertiary level, to prepare them for careers.

But where along the line do the schools prepare pupils for real life: to be happy on the land, to develop the basic industry of this country: farming? Small wonder that pupils loathe all thought of life out back.


In 1970 some seventeen new African countries celebrated the tenth anniversary of their independence. They looked back to count their gains and their losses. One thing many of them are changing is their school system. They want one geared to Africa and not to Europe.

President Diiori of Niger said this: "Our schools are programmed for the one student who will go on to university, not for the 999 who should be studying farming."

This very same tendency, it is to be feared, is creating problems here in Papua/New Guinea as well.

Beware! More than one country has been brought to ruin by a band of half educated, unemployed, malcontent drop outs. If our present school programme is contributing to this ferment, we ought to do something about it before it is too late.

# MANI I SOT



Kantri bilong yumi i laik go het nau. Mi lukim planti man i save kisim ol gutpela gutpela samting, bipo yumi lukim ol masta tasol i save holim. Sampela man i gat ka, bokis ais, haus kapa, mani bilong spak na ol gutpela klos. Mi lukim ol dispela samting na mi save amamas. Mi ting i no longtaim bai olgeta man meri inap kisim ol dispela samting.

Tasol, long planti arapela kantri long Saut Is Asia, olsem Indonesia, Malesia na Filipin Ailan. (longtaim ol i kisim independens) mi lukim ol planti, planti man ol i stap yet long haus morota, ol i no gat bokis ais, ol i save wakabaut long lek tasol na ol i no save kisim bikpela mani long ol wok

bilong ol. Long Indonesia mi painim wanpela tisa bilong gavman i save kisim samting olsem \$20 tasol long mun. Long India mi lukim ol planti man i save wok na kisim samting olsem \$3 tasol long fotnait. Olsem wanem long ol dispela kain man? Bilong gavman i no laik baim ol gut? Bilong wanem ol i wok nating?

Nating as bilong tok i olsem: ol gavman i no gat mani. Sapos ol i gat mani, bai ol i ken baim gut. Tasol i hat tru long painim mani. Ol dispela samting olsem ka, bokis ais, kapa ol i mas baim long narapela kantri. Yu save, i gat bikpela mani long baim ol dispela samting. Olsem ol dispela kantri i sot tru long ol dispela samting. Sapos ol i laik baim ol i mas

painim mani long kantri bilong ol yet, bungim na salim i go long Japan, o Australia, o Amerika. Tasol ol i no save painim mani long kopra, kopi, kakau samting, olsem mani i sot.

long taim bilong takis ol man i no inap takis gut. Planti ol i sot tru long mani olsem gavman i no gat planti mani bilong baim ol tisa, dokta, plis, PWD na ol kain kain wok olsem.

Hia long Niugini yumi save kisim bikpela hap mani long Australia bilong ranim ol wok bilong Niugini na baim ol tisa, dokta na plis. Olsem gavman i save baim gut. Tasol bihain, yumi yet mas kamapim ol dispela mani long takis bilong yumi stret. Sapos takis bilong yumi ol man bilong Niugini i mas baim ol tisa, dokta na plis, mi save, bai mani i sot na ol dispela man i no ken kisim planti mani. Dispela trabel i kamapinis long Indonesia,

Filipin na Maleyia na olsem ol man i no kisim gut pe. I no olsem ol gavman i bikhet na ol i no laik baim gut man. Nogat. Sapos ol i gat mani bai ol i ken baim gut, tasol ol i no gat mani.

Bilong wanem mipela YC i laik skruim dispela kain tok hia insait long Wantok? Mipela laik tok-save long yupela tasol. Mipela laik tok olsem; sapos yumi kisim independens na kantri bilong yumi i sot long mani na ol man i save kisim liklik liklik mani long fotnait bilong ol, orait yupela ken save: i no olsem bikhet bilong gavman ol bikhet bilong ol bos. Em i samting bilong mani, na mani i sot. Olsem ol i mas hapim pe bilong ol man. Em tasol liklik tok bilong mipela.

Yupela tu i mas redi. Pikinini bilong man bai i kam long taim yupela i ting bai em i no ken i kam. (Luk 12,40)

## TRI DOLA

Sapos yu salim \$3 (tri dola)

bai mipela i salim WANTOK

long yu inap long

## WAN YIA

(dispela em i nupela ofa)

Sapos yu laik kisim niuspepa WANTOK yu mas salim dispela hap niuspepa i kam bek wantaim \$3 (tri dola). Adres bilong mipela em hia:  
WANTOK PUBLICATIONS INC.,  
P.O. BOX 298, WEWAK.

NEM BILONG YU HIA:

---

ADRES BILONG YU HIA:

---



# kaunsil nius

## Kieta

Long wanpela miting long Kieta, ol kaunsila i tok ol i amamas tru long kala bilong skin bilong ol na tu sindaun bilong ol. Tasol ol i no laik planti yangpela meri bilong Bougainville i naritim ol waitskin. Namba bilong ol waitskin i kamap bikpela long Kieta. Ol dispela waitskin i go long Kieta long holim wok insait long kapa maining (Copper Mining).

## Lae

Huon Lokal Gavman Kaunsil bai i gat wanpela Niuginian olsem Ofisa bilong en. Nem bilong em Mista Erere Tetang bilong Gabensis Viles. Liklik taim nau em bai pinisim tupela yia skul long Vunadidir klostu long Rabaul. Em skul bilong lainim ol pasin bilong ranim olkain kaunsil samting.

Huon Kaunsil i win tru long bungim mani bilong


en. Long yia 1970 em i bungim klostu long \$30,000. Ol manmeri bilong hap bilong Irumu long laik bilong ol yet i laik apim takis mani bilong ol, bai ol inap helpim moa long gutpela wok Kaunsil i bin mekim long wanpela nupela rot long hap bilong ol. Ol i tokim kaunsil advaisa, Mista Mamu Rapup na Mista A. Noblet, ol i hepi tru bikos nau bai ol i ken karim ol kopi bilong ol i go long maket long Lae.

## KLASIFAIT

PABLIK NOTIS

WINIM HANWAS. Ritim 1 Korin sapta 15 na raitim stori inap long 500 wot (words) long "kirap bek". Stori i mas kamap bipo long 30 Novemba 1971. Adres: Booklet Box 1096, Boroko.

Wantok Publications,  
P.O. Box 298, Wewak, i wokim, na Wirui Pres long Wewak i prinim.



Yupela i no ken lusim tingting long helpim ol man i kam long haus bilong yupela. Yupela i save, bipo sampela man i mekim olsem, na ol i bringim sampela ensel i kam long haus bilong ol na lukautim ol. (Hibru 11,2)

(Baibel Sosaiti i orait long mipela i ken prinim dispela piksa.)

## Planti pipol oli askim

Tutt Bryant emi gat wonem samting long stoa bilong ol.

Emi gat planti kain masin nau sperpat long en tu. Nau hio yu lukim sampela mipela igat long stoa long mipela. Sapos yu laikim arapela samting bai yu askim long stoa long mipela long wonem TUTT BRYANT igat planti samting long ol masin, moto nau arapela samting. Em hio mi kolim sampela tasol mipela.

ALLIS CHALMERS <i>(earth moving equipment)</i>	LIGHTBURN <i>(cement mixers)</i>
APAC <i>(lift gear)</i>	LINCOLN WELDERS
AVIS RENT-A-CAR	KAWASAKI OUTBOARDS
BEDFORD <i>(trucks)</i>	KITTEN <i>(automotive products)</i>
BROOMWADE COMPRESSORS	MERCURY OUTBOARDS
CARIBBEAN BOATS	MICHIGAN LOADERS
DAIHATSU	MONROE-WYLIE AUTOPARTS
DUFFIELD HOSES	ONAN <i>(engines and generator sets)</i>
EQUIPMENT INVESTMENTS <i>(hire purchasing and leasing facilities)</i>	PACIFIC-ACE EQUIPMENT
FIAT TRACTORS	PACIFIC PUMPS
FIRESTONE TYRES	P.E.P. <i>(automotive products)</i>
GENERAL MOTORS HOLDEN	PERKINS DIESEL
GENERAL MOTORS <i>(diesel)</i>	PHOENIX ASSURANCE
HEALTHWAYS DIVING EQUIPMENT	SMITH'S INSTRUMENT
HOWARD <i>(Agricultural)</i>	SUZUKI MOTOR CYCLES
I.S.S. <i>(safety equipment)</i>	VOLVO-PENTA <i>(marine engines)</i>
	YANMAR DIESEL
	YOKOHAMA TYRES



Tutt Bryant Pacific Limited

BRANCHES: PORT MORESBY, LAE, GOROKA, MADANG, RABAU, KIETA  
AGENTS: MT. HAGEN, WEWAK, HONIARA (BRITISH SOLOMONS)  
WRITE: P.O. BOX 326, PORT MORESBY, T.P.N.G.



Overseas rates on application.

Sapos mipela i salim i kam long balus:

7 pela taim i kostim	\$1.00
14 pela taim i kostim	\$2.00
21 pela taim i kostim	\$3.00
28 pela taim i kostim	\$4.00

Wantok Publications Inc.,  
P.O. Box 298, Wewak

ADVERTISING RATES

Casual \$2.00 per single column inch.	
3 insertions over 12 months	\$1.85
6 insertions over 12 months	\$1.70
12 insertions over 12 months	\$1.55
24 insertions over 12 months	\$1.40

Classified Advertising: 65 cents first 2 lines; 30 cents each additional line.

Published 1st and 3rd Wednesday of the month.



Ol skul kadet, o skulboi i lainim long wok soldia, i wokim wanpela bris hia long Igam Barek long Lae. Tupela man i karim diwai em hia: Kadet Louis Abala bilong Amiaka (Sentral Distrik) long lephan na Kadet Anthony Ilot bilong Ramalmal (Is Nu Briten). Tupela man i holim busnaip em hia: Kadet Henry Tatafi bilong Asimba (Noten Distrik) na Kadet Manuel Obara bilong Tsiria (Sentral Distrik) long lephan.

Olgeta tok  
i stap long dispela niuspepa  
ol i bin paitim pastaim  
long wanpela masin bilong rait.  
nem bilong em. . .

*Olympia*

TERRITORY AGENTS

**BRECKWOLDT & CO. (N.G.) PTY. LTD.**

PORT MORESBY  
P.O. Box 1549, Boroko.

MADANG  
P.O. Box 185.


LAE  
P.O. Box 557

RABAU  
P.O. Box 222

MT HAGEN  
P.O. Box 237

WEWAK  
P.O. Box 178.

KIETA  
P.O. Box 72.




ilong wampela manua bilong Frans i kamap a bilong yumi long pasin bilong sut wan-  
nim ol balus. Tupela soldia em hia: Prai-  
traivet Tom Pampou.

Tupela man hia i save tumas long pasin  
bilong ol samting bilong lektrik.  
(D.I.E.S. poto)



Tripela meri hia i wok long rausim ol kopi nogut. Wok bilong ol i mekim kopi  
bilong Niugini i klin tru na i win moa. Tripela i ting long wanem samting?



Hetman bilong lain man bilong Yunaitet Nesens i go lukluk raun long Niugini, em Sir Dennis Allen, i sekan hia wantaim namba wan gavman bilong yumi, Mista L. W. Johnson, taim balus bilong em i pundaun long Port Moresby.



Selek Komiti bilong Konstitusional Developmen i toktok long nupela plak na mak bilong kantri bilong yumi.